


## Komentar monetarnih kretanja u aprilu 2022. godine

Ukupna novčana masa (M2) na kraju aprila 2022. godine iznosila je 31,05 milijardi KM, na mjesečnom nivou registrovan je blagi porast novčane mase za 122,9 miliona KM (0,4%). Porast novčane mase (M2) u aprilu 2022. godine rezultat je povećanja novca (M1) za 171,9 miliona KM (1,0%) i smanjenja kvazi novca (QM) za 48,9 miliona KM (0,4%). Do povećanja novca (M1) je došlo je uslijed porasta gotovine izvan banaka za 82,9 miliona KM (1,4%) i prenosivih depozita u domaćoj valuti za 88,9 miliona KM (0,7%). Smanjenje kvazi novca (QM) rezultat je pada prenosivih depozita u stranoj valuti za 116,2 miliona KM (3,5%) i porasta ostalih depozita u domaćoj valuti za 64 miliona KM (2,2%) i ostalih depozita u stranoj valuti za 3,3 miliona KM (0,05%).

Na godišnjem nivou, porast novčane mase (M2) u aprilu 2022. godine iznosio je 1,97 milijardi KM (6,8%). Rast je ostvaren kod gotovine izvan banaka za 786,2 miliona KM (15,3%), kod prenosivih depozita u domaćoj valuti za 1,59 milijardi KM (15,2%) i prenosivih depozita u stranoj valuti za 177,9 miliona KM (5,8%), uz istovremeno smanjenje ostalih depozita u domaćoj valuti za 93 miliona KM (3,1%), i ostalih depozita u stranoj valuti za 491,9 miliona KM (6,7%).



Protustavka porastu novčane mase (M2) na mjesečnom nivou u aprilu 2022. godine u iznosu od 122,9 miliona KM (0,4%) je blaži pad neto strane aktive (NSA) za 24,4 miliona KM (0,1%) i rast neto domaće aktive (NDA) za 147,3 miliona KM (1,2%). Porast novčane mase (M2) na godišnjem nivou od 1,97 milijardi KM (6,8%), rezultat je rasta neto strane aktive (NSA) za 1,44 milijarde KM (8,6%) i neto domaće aktive (NDA) za 529,5 miliona KM (4,3%).

## Monetarni pregled

	Stanje u mil. KM IV 2022	Mjesečne promjene u mil. KM			Godišnje stope rasta u %		
		II 2022	III 2022	IV 2022	II 2022	III 2022	IV 2022
<b>Aktiva</b>							
<b>1. Neto strana aktiva</b>	<b>18.281,9</b>	<b>-262,7</b>	<b>-678,3</b>	<b>-24,4</b>	<b>17,3</b>	<b>12,1</b>	<b>8,6</b>
1.1. Strana aktiva	20.060,9	-270,8	-689,3	-98,8	13,5	9,4	6,1
1.2. Strana pasiva	-1.779,0	8,1	11,0	74,4	-14,7	-12,2	-14,3
<b>2. Neto domaća aktiva</b>	<b>12.764,7</b>	<b>121,5</b>	<b>133,5</b>	<b>147,3</b>	<b>0,1</b>	<b>0,9</b>	<b>4,3</b>
2.1. Potraživanja od centralne vlade (neto), kantona i općina	-214,5	3,0	-17,1	-0,6	-136,7	-143,0	-230,9
2.2. Potraživanja od domaćih sektora	20.400,5	135,6	218,9	186,6	4,0	4,4	4,8
2.3. Ostale stavke	-7.421,3	-17,0	-68,3	-38,6	0,3	0,4	0,5
<b>Pasiva</b>							
<b>1. Novčana masa (M2)</b>	<b>31.046,6</b>	<b>-141,2</b>	<b>-544,8</b>	<b>122,9</b>	<b>9,8</b>	<b>7,3</b>	<b>6,8</b>
1.1. Novac (M1)	17.997,3	50,2	-91,4	171,9	16,7	15,6	15,2
1.2. Kvazi novac (QM)	13.049,3	-191,4	-453,5	-48,9	1,9	-2,3	-3,0

## Kreditni

Ukupni krediti domaćim sektorima na kraju aprila 2022. godine iznosili su 21,4 milijarde KM i u odnosu na prethodni mjesec povećani su za 164,4 miliona KM (0,8%). Rast kredita registrovan je kod sektora stanovništva za 68,9 miliona KM (0,7%), privatnih preduzeća za 108,7 miliona KM (1,2%) i javnih preduzeća za 0,8 miliona KM (0,2%). Pad kreditnog rasta na mjesečnom nivou je zabilježen kod vladinih institucija za 13,8 miliona KM (1,2%) i ostalih domaćih sektora za 0,1 milion KM (0,1%).

Godišnja stopa rasta ukupnih kredita u aprilu 2022. godine iznosila je (4,1%), nominalno 842,2 miliona KM. Godišnji rast kredita registrovan je kod sektora stanovništva za 564,5 miliona KM (5,6%), privatnih preduzeća za 324,2 miliona KM (3,7%) i ostalih domaćih sektora za 24,7 miliona KM (17,4%). Smanjenje kreditnog rasta na godišnjem nivou registrovano je kod vladinih institucija za 65,4 miliona KM (5,6%) i nefinansijskih javnih preduzeća za 5,7 miliona KM (1,1%).

### Sektorska struktura kredita u BiH

	Stanje u mil. KM IV 2022	Mjesečne promjene u mil. KM			Godišnje stope promjene u %		
		II 2022	III 2022	IV 2022	II 2022	III 2022	IV 2022
<b>Ukupno</b>	21.413,7	119,1	195,6	164,4	3,7	3,8	4,1
Od toga:							
Stanovništvo	10.595,3	41,6	85,8	68,9	5,5	5,6	5,6
Privatna preduzeća	9.035,1	86,2	144,9	108,7	2,2	3,1	3,7
Vladine institucije	1.110,8	-14,6	-26,2	-13,8	0,8	-4,5	-5,6
Javna preduzeća	506,1	7,4	-8,6	0,8	-2,6	-1,7	-1,1
Kreditni ostalim domaćim sektorima	166,4	-1,5	-0,3	-0,1	11,9	9,2	17,4

### Devizne rezerve

Devizne rezerve Centralne banke BiH na kraju aprila 2022. godine iznosile su 15,96 milijardi KM. U odnosu na prethodni mjesec, devizne rezerve Centralne banke BiH neznatno su smanjene za 0,3 miliona KM (0,002%), dok je na godišnjem nivou registrovan porast za 1,9 milijardi KM (13,7%).